



partii naleraq

Nuuk 21.maj 2019

UPA2019/176

Jens Napätök, Partii Naleraq

Qaanaami kulturimik toqqammaveqartumik immikkuullarissumillu piniariaatsit kinguaariinnut aggersunut iluaqutissatut qanoq ililluta tammatsaalineqarnissaannik qulakkeerinnissinaanerput pillugu apeqquteqaat aallaavigalugu oqallinnissamik siunnersuut.

(Mikivssuk Thomassen, Inuit Ataqtigiit)

Siullermik apeqquteqaat aallaavigalugu oqallinnissamik siunnersuuteqartumut Mikivssuk Thomassen, Inuit Ataqtigiit qujassuteqassaagut.

Siunnersuuteqartup oqariartuutaani allaqqasoq naapertorlugu Partii Naleqqamiit imatut oqaaseqarfigissavarput.

Inughuit inuusaasiat Kalaallit Nunaanni immikkuullarissuuvoq. Kulturi eqqaagaangatsigu, eqqaasarpurput inuit illoqarfimminni piniartarfimminni pissusaat aamma inooriaasaat, oqaasii aamma ileqqui, taamatullu ataqtigiillutik ikioqtigiittarnerat Kalaallit Nunatta sinnerani atornerussimasoq.

Inughuit inooriaasaat malillugu qangersuaaniilli piniariaatsiminnik malittarisassaqlutik allanneqarsimangikkaluartunik piniakkatik nungutsaaliorlugit malitassaqrput. Malittarisassallu ataqqineqarlutik kinguaariinni kingornuttaqattaarneqarlutik ingerlanneqrput.

Taamaattumik Avanersuarmi piniartuuneq piniapilunnermik aallaaveqanngilaq. Piniakkatik ataqqilluinnartuaat. Silap immallu pissusilersuutigisartagaata taamaallaat pakkersimaartarpaat, ilaatigummi sapaatip akunnersua angalagaluaangami pisaqanngitsoorlutik angerlaannartarput.

Piniariartarfiit assigiinngillat apeqqutaatillugu suna piniagaq sammineqassanersoq. Avannaarsua orninneqartarpoq umimmaat, tutut, ukallit, nannut, aarrit aamma qilalukkat piniarneqaraangata. Qaanaap Kangerlussua qilalugaqarfissuuvoq piaqqiorfissuullunilu taamaattumik naliginnaq umiatsiamik nipiliorfiunngitsumik ingerlaarfigineqartarpoq.

Iterlassuaq Qaanaap illoqarfiata tunuani inissisimasoq eqaloqarfissuuvoq eqalunniarluarfigineqartarpoq. Kitaata eqaluniit pualanerupput mamarluinnartuullutillu aappallaarinnik nerpitallit. Siornatigut Iterlassuarmi tuttoqartillugu aavartoqartarpoq.

Kiatak aaffanniartarfik ukiakkut aamma ukiukkut, ussoqarfissuullunilu. Piniakkat naalinneqaaqarlutik pisarineqartarput. Taamaattumillu ukiakkut aaffanniartarfigissallugu orniginartinnerusarpaat, ingammik ukiukkut sikorlaami, sikorlaamiit naalillutik aaffanniartarput, aaverlu naalinneqaraangami noqinneqartarpoq. Pikiaqqikkaangallu toqullugu aallaaneqartarluni.

Piniariaaseq aamma ningertarneq apeqqutaatillugu sikup sinaavani qilalugarniartoqarnersoq imaluunniit aasakkut qilalugarniartoqarnersoq assigiinngillat. Sikup sinaavatigut qilalukkat



partii naleraq

Nuuk 21.maj 2019

UPA2019/176

Jens Napätôk, Partii Naleraq

qernertarniarneq qajaqatigiit agguaqatigeeqqissaarlutik ningertarpaat, soorunami naalittup tuugaava mattattaalu pissarsiarisarlugit.

Aasaanerani umiatsiaq qajartalik matroseqartarpoq sillimaniarneq pissutigalugu. Piniartoqatigiit angalaaqatigiittarput, aappaa umiami inissisimasoq aappaa qajartortoq. Qajartortoqartillugu umiamiittoq uninngasarpoq aatsaallu qajaq isigisinnaajunnaaleraangamiuk arriitsunnguamik malerusaalertarlugu. Naalikkaangami eertortarpoq piniartoq qaannami sikilluni, sikilluni nipitunerusarmanngooq.

Umiaqatigiit marluullutik apeqqutaatillugu tunisassiarineqassanersoq ningertarput, umiap 33% naalittup 33% taavalu matrosiata 33% pissarsiarisarlugu. Agguaqatigiilluartarnerup kingunerisarpaa tamatigut matrosit pinnatsilluarneqartarnertik pissutigalugu qimataarusunneq ajorput.

Taamatut aqqissuussimaneq naatsunnguamik tigulaariffigaara. Taamaattumik Avannersuarmi piniartuunerup misissuiffigineqarnissaa pisariaqarluinnartutut Partii Naleqqamiit isumaqarfigaarput, taamatullu piniartutut inuussutissarsiuteqartup inuuniarnermini atugai ilisimaareqqissaassallugit isumaqarpugut. Taamaattumik oqallisaaresoq taperserparput, ilumut Avannersuarmi piniariaaseq tammatsaaliorlugu sutigut tamatigut illersorneqarnissaa Naalakkersuisut tungaannut anguniarneqarnissaa tapersersorsatsigu.

Taamatut oqaaseqarluta oqallisissiamik siunnersuuteqartoq taperserparut.

Jens Napätôk